

Umhverfisstefna UMSB

Ungmennasamband Borgarfjarðar (UMSB) er héraðssamband uppb. 20 íþróttta og ungmennafélaga í Borgarfirði og nágrenni sem eru aðilar að ÍSÍ og UMFÍ. UMSB styður hvers kyns viðleitni til að draga úr áhrifum gróðurhúsalofttegunda, endurvinna úrgang og leggur sitt af mörkum til að nýta orku og náttúruauðlindir á eins sjálfbæran hátt og kostur er.

UMSB er hluti af íslensku samfélagi og leitast við að vera til fyrirmyndar í umhverfismálum og starfa í samræmi við stefnu ÍSÍ, UMFÍ og sveitarfélaganna á starfssvæði UMSB í umhverfismálum.

UMSB hvetur aðildarfélögin til að taka mið af umhverfissjónarmiðum í sínu starfi og samþætta umhverfishugsun inn í dagleg störf, enda þarf íþróttta- og félagsstarf að fara fram í sátt við náttúruna og nánasta umhverfi.

UMSB mun vinna sérstaklega eftir eftirfarandi atriðum og hvetur aðildarfélögin til að gera slíkt hið sama:

1. Íþróttamót, ráðstefnur og fundir á eins umhverfisvænan hátt og kostur er. UMSB mun taka mið af umhverfissjónarmiðum ekki síður en af félagslegum þáttum þegar staðsetning funda og viðburða eru ákvörðuð og hvetur aðildarfélögin til gera slíkt hið sama þegar íþróttaviðburðir og mótahald eru ákvörðuð, skipulögð og tímasett.
2. Vistvæn innkaup. UMSB leitast við að kaupa inn umhverfisvænar rekstrarvörur og gætir þess að velja frekar endurvinnanlegan varning ef um einnota vörur er að ræða. UMSB hvetur einnig aðildarfélögin til að gera slíkt hið sama og nota frekar umhverfisvænar vörur sem hægt er að senda í endurvinnslu að notkun lokinni.
3. Flokkun úrgangs og endurvinnsla. UMSB leitast við að flokka allan úrgang eins vel og því verður við komið og stefnir að því að koma upp flokkunaraðstöðu við þjónustumiðstöðina í Borgarnesi til að auðvelda endurvinnslumöguleika á úrgangi sem til fellur. UMSB reynir eins og kostur er að fara sparlega með pappír og aðrar rekstrarvörur og horfir til þess í innkaupum að varninginn megi endurvinna.
4. Skipulagsmál og íþróttamannvirki. UMSB bendir á að umhverfissjónarmið þurfa að vera hluti af skipulagsmálum sveitarfélaga og þegar íþróttasvæði og mannvirki eru skipulögð á að tryggja aðgengi fyrir alla. Gott aðgengi íbúa að útivistarsvæðum hvetur til almennrar hreyfingar sem er um leið heilsueflandi. Lágmarks ferðatími og kostnaður, auðveld aðkoma gangandi og hjólandi svo og góðar almenningssamgöngur eru umhverfispættir sem horfa þarf til.
5. Íþróttamannvirki og orkunotkun. Markviss samþætting á umhverfissjónarmiðum í rekstri íþróttamannvirkja, hefur áhrif í þá átt að draga úr hitunarkostnaði, svo og rafmagns- og vatnsnotkun. UMSB hvetur sveitarfélögin til að hafa umhverfissjónarmið að leiðarljósi við byggingar og rekstur íþróttamannvirkja.

Stefna þessi var samþykkt á 94.sambandsþingi UMSB 12.mars 2016